

事物異名錄

事物異名錄卷二十四

慈谿

屬靜菴先生荅

原輯

仁和

關晉軒先生愧

增纂

蔬穀部下

穀

嘉生

漢書郊祀志神降之嘉生註應劭曰嘉穀也

稻

嘉蔬

禮記稻曰嘉蔬

稌

爾雅稌稻疏內則牛宜稌郊風十月穫稻是一物

也字林云糯黏稻也杭稻不黏者杭糯相類黏不黏

爲異耳依說文稌稻卽糯也江東呼粳

秬 說文秬稻屬伊尹曰飯之美者南海之秬

敦實 春秋繁露宗廟之祭冬上敦實敦實稻也冬之所畢實也

白粳 海篇白粳稻名

烏稜 字典稻名烏稜

箭子 稻品稻之上品曰箭子有一穗而三百餘粒者謂之三穗子

穠稬 戒菴漫筆穠稬杜牧之作龍亞註云稻名黃東發云龍亞稻之態非稻名也

摩牙 白居易詩祿米摩牙稻

馬尾 王炎詩稻如馬尾覆清腴

黃雲 滕白詩行到秋苗初熟處翠茸錦上織黃雲又
麥熟亦名黃雲

紅蓮 中吳紀聞紅蓮早稻從古有之陸魯望云近炊
早稻識紅蓮

半夏 蔡邕月令章句九月熟者謂之半夏稻

旱稜 六書故稻性宜水亦有同類而陸種者謂之陸
稻記曰煎醢加於陸稻上今謂之旱稜

雲子 謝華啟秀山稻名雲子

和尚稻 曲洧舊聞洛下士人以稻之無芒者爲和尚
稻亦猶浙中呼師婆粳

米

粉米 書藻火粉米註粉米白米

庚癸 左傳吳申叔儀乞糧于公孫有山氏對曰糧則無矣麤則有之若登首山以呼曰庚癸乎則諾范成大詩一飯但慚庚癸諾百年甘守甲辰雌按庚癸謂米糧也

精粲 正字通米之美者曰精粲

長腰鎗 李賀憶昌谷山居詩長鎗江米熟註漢上呼米爲長腰鎗

神江白 蘇軾糴米龍川詩炊香未許神江白自註神江白米名

藟散 陸游詩已炊藟散真珠米更點丁坑白雪茶註

蠡散米名

紅霞米 桃花米 演繁露赤米米之惡者也俗呼紅

霞米南史任昉載桃花米卽赤米是也

火米 占詩註土人以五月收米爲火米

通腸米 錦繡萬花谷荆南孫儒之亂米斗四十千待

金寶換易纔得一撮一合謂之通腸米言饑人不可

食他物惟煎米飲可以通腸胃

雕菰 雕胡 安胡 彫蓬 雁膳 本草綱目菰米

須霜彫時采之故謂之雕菰或訛爲雕胡後葉七賢

謂之安胡爾雅菰彫蓬孫炎註云彫蓬卽菱米管子

書謂之雁膳菰米

潘 蘭 說文潘浙米升也又潘潘也周禮糗人註潘

瀾羹餘米汁

秣

粟 黏粟 爾雅粟秣疏粟一名秣謂黏粟也按崔豹
古今注云秣爲稻之黏者許慎說文云秣稷之黏者
也汜勝之書云梁是秣粟蘇頌圖經云丹黍米黏者
爲秣據此則黍稷稻粱之黏者皆謂之秣本草綱目
時珍曰秣卽梁米粟米之黏者崔豹許慎蘇頌之說
皆誤

糯粟 黃米 黃糯 本草綱目秣體柔弱俗呼糯粟
是矣北人呼爲黃糯亦曰黃米釀酒劣於糯也又黍

亦名黃糯

秔

粳米 字林秔稻不黏者秔糯甚相類黏不黏爲異耳
本草粳米卽人所常食米也

晚稻 稻品粳之小者謂之秈秈之熟也早故曰早稻
粳之熟也晚故曰晚稻

秈

占稻 早稻 本草綱目秈一名占稻一名早稻種自
占城國故謂之占其熟最早六七月可收

紅鮮 杜甫詩紅鮮任霞散按本草綱目秈亦粳之光
熟而鮮明者有赤白二色則紅鮮乃指粳秈耳

禾

嘉穀 說文禾嘉穀也木王而生金王而死得時之中故謂之和

仁卉 晉徵祥說嘉禾仁卉也又晉灼曰禾野生曰旅粟

禾子 說文粟禾子也江東人呼粟爲粢

小米 正字通粟在古但稱爲粱後人乃專以粱之細者名粟故北人謂之小米

趕麥黃 百日糧 八月黃 老軍頭 鴈頭青 本

草綱目粟或因時賦名早則有趕麥黃百日糧之類中則有八月黃老軍頭之類晚則有鴈頭青寒露粟

之類

梁

薌其 禮記梁曰薌其

籒粟 正字通黏者爲秫不黏者爲粟因呼梁爲籒粟以別秫而配籒按梁卽粟也故亦稱粟考周禮九穀六穀之名有梁無粟可知矣時珍曰自漢以後始以大而毛長者爲梁細而毛短者爲粟

竹根黃 爾雅翼黃梁香美逾于諸梁人號爲竹根黃
黍

薌合 禮記黍曰薌合

机實 春秋繁露示廟之祭秋上机實机實黍也秋之

所先成也

糖粬 字典蜀人謂黍曰糖粬

黃糯 古今注禾之黏者爲黍亦謂之稌亦曰黃黍

雅糞可爲酒關東人謂之黃米酒亦謂黍爲黃糯

糜子 真珠船說文爾雅糞皆謂黍爲黏余按詩緝云

黍有二種黏者爲秫可以釀酒不黏者黍今關西總

謂之糜子黏者曰黏糜子不黏者曰飯糜子按黍與

稷類黏者爲黍不黏者爲稷而秫又粟之黏者此誤

以秫爲黍其所謂不黏者卽是稷非黍也

小米 七修類藁黍卽今小米北方以之作酒小米有

二種如稻有杭糯耳黍是小米之糯者按此則粟乃

小米之稭者亦謂之小米

藿 芭 秬 秠 本草綱目赤黍曰藿曰縻白黍曰

芭黑黍曰秬一稗二米曰秠按縻卽藿音之轉也

紅蓮米 赤穀米 本草綱目端曰丹黍米浙人呼爲

紅蓮米江南多白黍間有紅者卽爲赤穀米按此卽
赤黍所謂藿是也又紅蓮早稻名

高粱 蜀秫 蘆稌 蘆粟 木稷 荻粱 穀譜蜀

黍一名高粱一名蜀秫一名蘆稌一名蘆粟一名木

稷一名荻粱以種來自蜀形類黍稷故有諸名種不

宜卑下地

稷

明粢 爾雅粢稷疏左傳云粢食不鑿粢者稷也曲禮云稷曰明粢是也郭云今江東呼粟爲粢然則粢也稷也粟也正是一物而本草稷米在下品別有粟米在中品又似二物故先儒甚疑焉按本草綱目時珍曰稷與黍一類二種黏者爲黍不黏者爲稷稷可作飯黍可釀酒猶稻之有粳與糯也

糜 七修類藁稷乃一歲中最先種者關西呼糜冀州呼糜不甚珍貴農家種之以備他穀之不熟也卽南方所謂烏山稻類

稌 本草綱目蘇恭曰稌卽稷也關中呼其米爲黃米與黍同類按黍大體似稷故古今注亦謂黍爲稌

稊程 類篇稊程稊別名也

麥爭場 山前舊聞稊西北人呼爲糜子有兩種早熟

者與麥相先後五月間熟者鄭人呼爲麥爭場

黍子 本草綱目稷有赤白黃黑數種黑者禾稍高今

俗通呼爲黍子不復呼稷矣

大禧 詩大禧是承註禧黍稷言諸侯無不奉黍稷來

助祭也 引下黍稷總名

普淖 儀禮註普淖黍稷也

麥

首種 王方慶疏宿麥以秋種故謂之首種

來麴 說文來麴麥也漢書劉向傳作釐麴又廣雅大

麥麥也小麥麥也

迦師

錯麥

庶物異名疏翻譯名義集云迦師後堂

云唐言錯麥南泉抄以錯麥爲大麥十誦指迦師爲小麥又本草綱目梵書名麥曰迦師錯

香稱

詞林海錯韓愈詩納涼吸冷漬香稱稱麥也楚

辭稻梁稱麥麥黃梁些

樽實

春秋繁露宗廟之祭夏土樽實樽實實也夏之

所初受也

六田首

李商隱瑞雪表雪爲五穀之精麥爲六田之

首

稞

字典青州謂麥曰稞

烏麥 正字通蕎麥亞於麥麴一名烏麥亦名莢麥以

蕎麥

花蕎 本草綱目蕎麥一名花蕎俗亦呼爲甜蕎

雀麥 爾雅蕎雀麥疏蕎一名雀麥一名燕麥以下燕麥

杜姥草 牛星草 本草綱目雀麥一名杜姥草一名

牛星草

烏昧草 丹鉛錄烏昧草卽今野燕麥淮南謂麥曰昧

故史從音爲文

阿師 正字通穆天子傳爰有莖麥與燕麥同內經謂之阿師

芒粟 食物本草穡麥又名芒粟 穡麥

芝麻

狗蝨 藤引 本草綱目胡麻一名狗蝨廣雅胡麻一名藤引別錄一名鴻臚者乃藤引之誤也又藤引集韻作荳藤

油麻 筆談胡麻卽今油麻古者中國止有大麻其實爲舊漢使張騫始自大宛得油麻種來故名胡麻以別中國大麻也

交麻 事物原始胡麻石勒時諱胡字改名芝麻隋改胡麻曰交麻又芝麻穀譜作脂麻

何何 戒菴漫筆杭俗多南渡遺風糴芝麻者叫何何舊姓何者鬻此故也

水寶 雲笈七籤水寶胡麻也

方莖 抱朴子胡麻一名方莖服餌不老耐風濕其葉
名青囊

繭 素問註胡麻一名繭卽黑芝麻 以下黑芝麻

巨勝 爾雅翼胡麻一名巨勝正字通言其大而勝卽
今黑芝麻也

元清丹醴 雲笈七籤黑巨勝一名元清丹醴

雲草元液 元上秘要雲草元液者黑巨勝是也一名
元清

麻糍 本草綱目竿去油麻滓名麻糍音辛荒歲人亦
食之可以養魚肥田 麻餅

豆

菽 荅 廣雅大豆菽也小豆荅也

角果 庶物異名疏梵文以大小豆等爲角果

飯豆 農書今之赤豆白豆綠豆豔豆皆小豆也白豆亦曰飯豆 白豆

紅豆 本草綱目赤豆一名紅豆 以下赤豆

相思子 資暇錄豆有圓而紅其首烏者世呼爲相思子卽紅豆之異名也

植豆 本草綱目志曰綠豆大者名植豆時珍曰粒粗而色鮮者爲官綠粒小而色深者爲油綠早種者爲摘綠遲種者爲拔綠 以下綠豆

勿伽 正字通梵言勿伽此云綠豆

沙田豆 仁和縣志青豆炒食嫩者爲烘豆稱沙田豆

按俗謂毛豆者是也

青豆

冶豈 豈菽 彙苑豈豆一名冶豈葉似葛而實長尺餘可蒸食一名豈菽

以下豈豆

踈豆 鹿豆 正字通豈音勞野豆卽今踈豆本草名

鹿豆爾雅謂之藟

野綠豆 菹 本草綱目豈豆王磐野菜譜作野綠豆

爾雅藟鹿藿其實菹卽此

豈豈 本草綱目豈豆一名豈豈此豆莢必雙生故有

豈豈之名廣雅指爲胡豆誤矣又孫愐以番豆爲豈

蠶亦非豆

狸沙 獵沙 古今注狸豆一名狸沙一名獵沙葉似

葛而實大如李核可啗又江東雜志白豇一名狸豆

以下
狸豆

虎豆 正字通黎豆一名虎豆又名狸豆以莢老則黑色有毛子有黑點如虎狸斑文也

虎巢 本草綱目爾雅虎巢卽狸豆也

啤豆 溜豆 啤豆 博雅啤豆豌豆溜豆也字典一

說豌豆名畢豆亦作啤豆 以下豌豆

青小豆 青斑豆 回鶻豆 淮豆 正字通豌豆莢

長寸許子員一名青小豆老則斑麻故又名青斑豆

遼志名回鵲豆鄉人呼爲淮豆

胡豆 戎菽 麻累 國豆 本草綱目胡豆豌豆也

種出胡戎爾雅戎菽謂之荏菽註卽胡豆也孫思邈
千金方云胡豆一名麻累鄴中記云石虎諱胡改胡
豆爲國豆皆指豌豆也按爾雅疏云戎菽大豆也而
豌豆有青小豆之名則似非大豆矣又蠶豆亦名胡
豆

安豆 字典楊慎引唐六典有蠶豆音鬱卽豌豆俗譌
呼爲安豆

寒豆 食物本草豌豆卽寒豆也

翹搖 搖車 翹車 本草綱目藏器曰翹搖幽州人

謂之苕搖爾雅杜夫搖車俗呼翹車是已時珍曰一名野蠶豆按穀譜以翹搖爲野豌豆蓋豌豆俗亦呼蠶豆故也

胡豆 本草綱目蠶豆一名胡豆種亦自西胡來故與豌豆同名今蜀人呼此爲豌豆不復名胡豆矣按吳瑞本草以蠶豆爲豌豆似誤姑兩存之 以下蠶豆

王墳豆 百尺梧桐閣集昌化伯邵王墳側蠶豆顆大味鮮杭人稱王墳豆

碧珠 楊萬里蠶豆詩翠英中排淺碧珠

小巢 陸龜蒙詩序蜀蔬有兩巢大巢卽豌豆之不實者小巢生稻畦中東坡所賦元脩菜是也吳中絕多

名漂搖草一名野蠶豆

稽豆 料豆 正字通黑豆中最細者曰稽豆、曰料

豆北人以飼馬以下黑豆

零烏豆 杭州府志黑豆細而扁者零烏豆俗名馬料豆

五臟穀 荆湘近事李守愚侵晨井華水吞黑豆五七粒謂之五臟穀至老視聽不衰

沿籬豆 蛾眉豆 屢屢豆 正字通菹豆一名沿籬

豆俗名蛾眉豆花狀如小蛾趙宦光曰菹豆一名屢屢豆按卽俗謂羊眼豆是也以下菹豆

藹豆 正字通一種子粗員色白俗名白扁豆入藥又

有色黑者黑間白道如鵲羽謂之鵲豆氣味小冷與
白者微別

挾劍豆 正字通刀豆西陽雜俎謂之挾劍豆以莢形
似劍脊三稜也 刀豆

落花生 土露子 物理總論番豆名落花生土露子
二三月種之一畦不過數子行枝取土壓之開花落
土成實冬後掘土取之殼有紋豆黃白色煨熟甘香
似松子味 番豆

腐婢 名醫別錄腐婢小豆花也 豆花

莢 藿 其 本草綱目豆角曰莢葉曰藿莢曰其角

豆葉
豆莖

稷

童梁 宿田翁 守田 爾雅稷童梁疏稷一名童梁
陸璣草木疏云禾秀爲穗而不成謂之童梁今人謂
之宿田翁或謂之守田

孟 狼尾 狼茅 爾雅孟狼尾疏草似茅者一名孟
一名狼尾按本草綱目謂之狼茅卽稷童梁也又名
莖節

稗 梯 本草綱目稗乃禾之卑賤者故字從卑梯苗
似稗而穗如粟有紫毛卽烏禾也

秀

狗尾草 光明草 阿羅漢草 正字通狗尾草重治

日痛故名光明草一名阿羅漢草卽莠也

藁

刈 稈 穰 廣雅黍穰謂之刈稻穰謂之稈稈穰謂之穰又小爾雅藁謂之稈稈謂之芻

糠

相 禮記會守拊鼓註拊者以韋爲表裝之以糠一名相今齊或謂糠爲相

蠱 爾雅糠謂之蠱疏左傳穀之飛亦爲蠱是也

褐 博雅糠謂之褐

藁頭 漢書陳平傳食糠藁註今京師人謂粗屑爲藁頭又藁一作乾

蒔草實

自然穀 禹餘糧 博物志海上有草名蒔其實食之
如大麥七月稔熟名曰自然穀或曰禹餘糧又夢溪
筆談蒔魁似何首烏閩嶺人謂之餘糧按此別是一
物

事物異名錄卷二十五

慈谿 厲靜齋先生荃 原輯

仁和 關晉軒先生槐 增纂

布帛部

布

榻布 史記貨殖傳榻布皮革千石漢書音義榻布白氈也

都布 苧布 後漢馬援傳制都布單衣註東觀記作苧布卽榻布白氈也師古以爲粗厚之布非白氈也
白越 後漢馬后傳賜諸貴人白越三千端註白越越布也

黃潤 楊雄蜀都賦筒中黃潤一端數金註黃潤細布也

弱錫 庶物異名疏淮南子云弱錫細布也揚雄蜀都賦細都弱析析卽錫也

綸幣 庶物異名疏急就篇有綸幣註云綸幣音投茲綸布之尤精者集韻大布曰幣

葛布

絺綌 財貨源流絺綌皆葛爲之精曰絺粗曰綌

黃絲布 吳越春秋越王允常使民男女入山採葛作黃絲布獻之

葛越 書島夷卉服傳草服葛越疏葛越南方布名用

葛爲之、

羃翅 庶物異名疏羃翅細葛也見通俗文

麻布

徽紵 陸璣詩疏苧亦麻也剝取皮以竹刮其表得裏
如筋者煮之用緝布謂之徽紵

娘孖布 溪蠻叢笑漢傳載蘭干蘭干者獠言苧也今
有績織細白苧麻以旬月而成名娘孖布

花練 桂海虞衡志練子出兩江州洞似苧織有花曰
花練

紡纈 六書故麻績而紡之者亦爲紗類篇紗一曰紡
纈

棉布

白縹 吳錄交趾定安縣有木棉樹高丈餘實如酒杯
口有綿如蠶之綿也可作布名曰白縹一名毛布按
白縹卽白氎也

吉貝 泊宅篇閩廣多種木棉紡績爲布名曰吉貝卽
古所謂白氎布

屈朐 庶物異名疏翻譯名義集云屈朐此云大細布
緝木棉花心織成

毛布

屬氎 名義考毛布屬也亦謂之氎
彭氎 丹鉛總錄晉載記彭氎毛布也

織皮 毳布 庶物異名疏書曰熊羆狐狸織皮孔安

國云織皮屬一曰毛布說文屬西胡毳布也

海西布 孔六帖波斯國織水羊毛爲布曰海西布

復陶 正字通褐一名復陶精者曰姑姑絨出蘭州曰

蘭絨

紫駝尼 庶物異名疏紫駝尼番褐也

火浣布

火毳 雋言火毳見後漢西南夷傳火毳卽火浣布也

石絨 庶物異名疏元史別怯赤山出石絨織爲布火

不能燃楊升菴云火浣布出蜀建昌其白如雪出於

石隙元史所謂石絨也

絲

大綱 六書故今之絡絲者別其最細者爲綱次曰大

綱

流黃 演繁露古詩曰中婦織流黃黃魯直詩曰明於

機上之流黃則流黃者織絲之色也染絲而織惟錦
爲然今專言流黃恐是黃繭之絲也按流黃一云絹
也

錦

織文 說文錦織文也

一團嬌 段成式詩未有長錢求鄴錦且令裁取一團
嬌自註錦名

綾

柿葉 廣志柿葉今時綾名又白居易詩紅袖織綾誇
柿蒂

文繒 漢書高帝紀賈人毋得衣錦繡綺縠絺紵屬註
師古曰綺文繒也卽今之細綾也又增韻縠文繒也
紗

白縛 周禮內司服註素紗今之白縛也
輕綃 漢書元帝紀註輕綃爲夏服師古曰輕綃今之
輕紗也

方空 纚 漢書肅宗紀詔齊相省冰纚方空縠註縠
紗也方空者紗薄如空也或云空孔也卽今之方目

紗也又江充傳冠禪纓註纓卽今方目紗也

輕容 齊東野語紗之至輕者有所謂輕容出唐類苑云輕容無花薄紗也容字俗改爲庸又作裕按此卽今之銀條紗也

鮫綃 神異記鮫人織輕綃於泉室出以賣之故名鮫綃一名龍紗一名蟬紗皆輕紗也

沙縠 逸雅沙縠取踈踈如沙也按師古曰輕者爲紗縠者爲縠則沙縠卽今縠紗

霧縠 相如子虛賦垂霧縠註張揖曰縠縠如霧也師古口言其輕靡如霧

絹

葉輪 方言註今之短度絹謂之葉輪

絜縹 博雅絜縹絹也

練 野客叢書梁武帝小名阿練子孫皆呼練爲絹按練卽絹之熟者

冰紈 漢書其俗彌侈織作冰紈綺縠註臣瓚曰冰紈紈細密如冰者也按紈卽絹類

紈素 漢書註紈素絹也

鵞素 謝華啟秀鵞素絹也

縑 縑 釋文縑縑也留青曰札絹之兼縑而細密者爲縑禮記縑冠素紕註縑是生絹

鮮支 前漢地理志註縑鮮支也

白紬 說文白紬縞也

縞

阿緡 相如子虛賦被阿緡註齊東阿縣縞帛所出也
曰阿縞按縞卽帛之總名

弋綈 漢書武帝紀贊身衣弋綈師古註弋黑色也綈
厚縞

平紬 急就篇註厚縞之滑澤者今謂之平紬

零帛

幌子 廣雅幌子裁餘也正字通今采帛鋪謂剪裁之
餘曰幌子

綿

織纈 書豫州厥貢織纈註纈細綿

草綿 楊慎外集草綿綿花也

長相思 侯鯖錄古詩文綵雙鴛鴦裁爲合歡被著以
長相思綵以結不解註被中著綿謂之長相思縣縣
之意

絮

統 莊子世世以泝泝統爲事註統絮也泝泝統者漂
絮於水上

纈辭 類篇纈辭絮也

氍毹

氍毹 揚雄蜀記重南越之氍毹註罽也今之氍毹

霞氍 丹鉛總錄吐番貢霞氍今之紅氍毹

氍毹 正字通氍毹毛席中天竺有氍毹今日氍毹素

蜀之邊有之似初五色方錦廣中洋船亦有至者又
名多羅氍

斑罽 些氍 丹鉛總錄斑罽今之雜色氍些氍今紫

氍也

氍

洒海刺 格古要論普羅與洒海刺相似洒海刺出西

番氍毛織者

氍毹 韻會氍毹罽也俗作氍

子氍 席上腐談北方毛段細軟者曰子氍今訛爲紫

茸、

怯綿里 庶物異名疏元史怯綿里剪茸也

羽毛段

瑣伏 校服 校福 一統志瑣伏一名校服鳥毳爲之紋如純綺宋澤民集謂之校福

珍寶部

珠

沒爹蝦羅 宋史闍婆國傳方言謂珍珠爲沒爹蝦羅銀木可 金史國語解銀木可珠也

圓輝隱士 水族加恩傳李廣參照乘走盤脈價不貲宜授圓輝隱士

鯨鯢目 裴氏廣州記鯨鯢目卽明月珠故死不見有
目睛

江歷 詞林海錯江歷珠名卽江璣也汲冢周書正西
崑崙請以江歷龍角爲獻

上寶 述異記越俗以珠爲上寶生女爲珠娘生男爲
珠兒

神胎 山堂肆考神胎珠也

蚌蛤胎 左思吳都賦蚌蛤珠胎與月盈虧

太歲彈 劉郁西使記西域報達國所產大珠曰太歲
彈

金剛堅 事物紺珠摩尼珠又名如意珠雜寶藏經此

珠名曰金剛堅摩尼珠

玉

元真 抱朴子服元真者其命不極註元真玉別名也
瑤琨 書揚州厥貢瑤琨註瑤琨美玉

瑤蕊 張衡思立賦屑瑤蕊以爲糝今註瑤蕊美玉也
鼂采 山堂肆考美玉每旦有光采上升故曰朝采
瓊支 廣雅瓊支玉名

紫衣女 錄異傳江巖採藥清泉山見一紫衣女踞石
上巖往數步輒不見乃破石得一紫玉廣長一尺
流黃 淮南子註流黃出而朱草生流黃玉也又竹簟
黃綠皆有流黃之名

韞玢 砮砮 玫瑰 山堂肆考皆石之似玉者似玉

捲握物 後漢張堪傳蜀郡捲握之物足富十世註謂

珠玉之類 珠玉總名

寶石

亞姑 輟耕錄紅亞姑青亞姑黃亞姑白亞姑按亞姑
寶石名紅青黃白其色也

刺子 靛子 馬價珠 木難珠 蠟子 瑟瑟 韞

韞 本草綱目寶石紅者名刺子碧者名靛子翠者名
馬價珠黃者名木難珠紫者名蠟子又有鴉鵲石猶
睛石石榴子紅扁豆等名碧者唐人謂之瑟瑟紅者
宋人謂之韞韞

照殿紅 披邪西 博物要覽紅寶石名照殿紅紫寶

石名披邪西

祖母綠 珍玩考祖母綠寶石也

回回石 雜記回回石種類不一大德間本土巨商賣紅刺一塊於官估直中統鈔一十四萬呼曰刺方言也

貓兒眼 走水石 留青日札貓睛名貓兒眼次者名走水石

獅負 稗史類編貓睛一名獅負仙女上元宗獅負一枚卽此

瑪瑙

丹石 拾遺記丹邱之野多鬼血化爲丹石則瑪瑙也
文石 本草綱目瑪瑙一名文石

瓊漿石 漿水石 雲烟過眼錄瓊漿石漿水石瑪瑙
也

鬼功石 鬼國石 格古要論嘗有戒指內嵌瑪瑙一
塊面上碾成十二支生肖其紋細如髮似非人功故
謂之鬼功石又名鬼國石

摩羅迦隸 負暄錄梵言摩羅迦隸此言瑪瑙
珊瑚

烽火樹 西京雜記漢宮積翠池中有珊瑚高一丈二
尺南越王趙佗所獻號曰烽火樹夜有光常欲然

針擺安福羅 本草綱目珊瑚梵書名針擺安福羅

琅玕

青珠 異魚圖琅玕青色枝柯似珊瑚本草一名青珠
亦曰石珠

石闌干 本草綱目琅玕一名石闌干在水曰珊瑚在
山曰琅玕

水晶

水玉 山海經堂夜之山多水玉註水玉卽水精也
玉瑛 玉篇水精謂之玉瑛

水碧 潛珉 丹鉛總錄水碧水玉也又郭璞江賦水
碧潛珉亦水玉也

黎難 石英 庶物異名疏水精一名黎難見魏畧廣雅謂之石英

硝子 格物要論假水精不潔白明瑩謂之硝子琥珀

江珠 五侯鯖江珠卽琥珀千年茯苓所化光珠 博物志光珠卽江珠也

頓牟 庶物異名疏論衡曰頓牟拾芥頓牟琥珀也
鑿紅 廣記琥珀最貴者名曰鑿紅

玻璃

頗梨 酉陽雜俎頗梨千歲冰所化按頗梨卽玻璃本草綱目亦名水玉

優逮 字典優逮玻璃類也能照小物爲大物見邱陵
學山按眼鏡亦名優逮蓋用玻璃之類爲之

琉璃

流離 本草綱目琉璃漢書作流離其流光陸離也
亦名火齊

車渠

海扇 霏雪錄海中有甲物如扇支如瓦屋名海扇一
名車渠作杯盛酒過滿不溢

牟婆各揭拉婆 本草綱目車渠梵書謂之牟婆各揭
拉婆

犀角

奴角 西陽雜俎犀角一名奴角

黑暗 吟齋詩話南人謂犀角爲黑暗

毗沙拏 澠水燕談錄西域謂犀角爲毗沙拏言一角也

雞昧白 廣志犀角之好者名雞昧白

象牙

白暗 吟齋詩話南人謂象牙爲白暗

玫瑰

石珠 史記司馬相如傳註玫瑰石珠也又琅玕亦名石珠

火齊珠 出火珠 相如子虛賦其石則赤玉玫瑰註

晉灼曰玫瑰火齊珠也師古曰今南方之出火珠又
急就篇註琅玕火齊珠也集韻云琉璃火齊珠也
紫辣子 稗史類編予舊見有婦人耳環色紫而光艷
照應或稱爲紫辣子蓋火齊也

玳瑁

文甲 漢書西域傳贊明珠文甲註如淳曰文甲玳瑁
也

班希 點花使者 水族加恩簿班希裁簪制器不在
金銀珠玉之下宜授點花使者按謂玳瑁也

貝

餘貳 餘泉 爾雅疏貝居陸者名賸在水者名蜃至

大者名鼈至小者名鱗黑色之貝名貽貝黃爲質白爲文點者名餘貺白爲質黃爲文點者名餘泉中央廣兩頭銳者名蚶大而汗薄名蜆小而狹長名蟻海肥 本草綱目貝子小白貝也古者用爲交易今獨雲南用之呼爲海肥

研螺 本草綱目紫貝一名文貝頌曰畫家用以研物故名研螺

阮用青 清異錄研光螺名阮用青

軻蟲 後漢書註軻蟲海貝也

馬軻螺 玳 本草綱目珂名馬軻螺時珍曰珂馬勒飾也此貝似之故名徐衷作馬珂通典云老鵬入海

爲玳卽軻也

羅幼文 清異錄珂曰羅幼文加恩簿云幼文點綴鞍勒小有文采可馬衣丞

雲母

磷石 抱朴子雲母晶晶純白者名磷石

地涿 雜記雲母有純黑斑文如鐵者名雲脂雜黑而強肥者名地涿

陽起石 雲笈七籤雲母赤色厚重名陽起石是五雲之根

雲華 雲英 雲珠 雲液 雲砂 本草綱目雲母

一名雲華一名雲英一名雲珠一名雲液一名雲砂

別錄曰雲華五色具雲英色多青雲珠色多赤雲液色多白雲砂色多黃

空青 附石青

青要女 西陽雜俎藥草異號青要女空青

楊梅青 本草綱目別錄曰空青生山谷有銅處銅精

薰則生空青頌曰狀若楊梅故名楊梅青其腹中空

青油羽 石藥爾雅空青一名青油羽

扁青 本草綱目扁青一名大青扁以形名今之石青

是矣 石青

丹砂

丹砂 荀子註丹砂丹砂也

明窻塵 許彥周詩話李太白作草創大還詩髣髴明
窻塵死灰同至寂初不曉此語後得李氏鍊丹法至
明窻塵丹砂妙藥也

朱兒 雲笈七籤第一絳陵朱兒註是丹砂巴越者
丹礫 郭璞江賦其下則金礪丹礪按丹礪卽丹砂也
水銀 附銀朱

瀕 汞 事物原始水銀廣雅謂之瀕丹竈家謂之汞
姦女 參同契河上姦女得火則飛註姦女汞也

流珠 初學記流珠水銀之別名

靈液 本草綱目方術家以水銀和牛羊豕三脂杵成
膏以通草爲炷照於有金寶處卽知金銀銅鐵鉛玉

故謂之靈液又露與口津皆名靈液

猩紅 紫粉霜 本草綱目銀朱一名猩紅一名紫粉

霜 銀朱

金

盪 鏐 爾雅黃金謂之盪其美者謂之鏐註鏐卽紫磨金也

麟趾 裏蹏 漢書武帝紀朕郊見上帝西登隴首獲

白麟以饋宗廟渥洼水出天馬泰山見黃金宜收故名今更黃金爲麟趾馬蹏以協瑞焉

陽邁 宋書南海扶南王陽邁初在孕其母夢生兒有人以金席藉之夷人因此謂金之精者爲陽邁

亥日婦人 抱朴子亥日稱婦人者金也

庚 雲笈七籤上好庚一十兩汞五十兩貯於一罐內
用常火煖按庚謂金也

第一黃 清異錄偽唐賊臣褚仁規竊祿泰州有爲緣
語詩曰多求囊白昧蒼蒼兼取人間第一黃白黃隱
金銀字

太真 庶物異名疏陶隱居曰仙方名金爲太真

空指泥 日本寄語金曰空指泥

蘇伐羅 正字通梵書名金爲蘇伐羅

黃牙 本草綱目金一名黃牙

雙南 范仲淹金在谿賦英華旣發雙南之價彌高按

雙南金也

銀

白金 鐐 爾雅白金謂之銀其美者謂之鐐

白撰 史記平準書白金三品其一名曰白撰又白撰

漢書作白選

鎔 說文鎔白金也又廣雅白銅亦謂之鎔

金昆 顏氏家訓新論以金昆爲銀

白鎔 正字通白鎔金別名又錢亦謂之鎔

失祿楷泥 日本寄語銀曰失祿楷泥

阿路巴 或惹多 正字通梵言阿路巴或惹多此言

銀

銅

赤金 說文銅赤金也

黃鐵 庶物異名疏書傳曰鍅黃鐵也是今之銅古人
贖罪悉皆用銅

英精 庶物異名疏英精銅也見淮南子

那陽珍 昆吾瑤 梁簡文帝露盤啟是稱那陽之珍
實亦昆吾之瑤按謂銅也

和氣子 格古論和氣子者卽紅銅又名張公又名身
子

黃龍汧 石藥爾雅銅青一名黃龍汧 銅青

銅落 銅末 銅花 銅粉 銅砂 本草綱目銅屑

名銅落銅末銅花銅粉銅砂銅屑

鐵

黑金 元金 烏金 說文鐵黑金也淮南子名元金

本草綱目又名烏金又炭亦名黑金

辟漱 說文辟漱鐵也

金錯 廣雅金錯鐵也

犁耳 庶物異名疏藝海洞酌云秦行唐公洛能制奔

牛射洞犁耳犁耳鐵名

石精 雲笈七籤石精者妙鐵也

跳鐵 本草綱目鋼鐵一名跳鐵

刀烟 庶物異名疏刀烟鐵屑也以下鐵屑

鐵液 本草綱目鐵落一名鐵蛾一名鐵液

錫

釧 白蠟 爾雅錫謂之釧註白蠟也

連 前漢食貨志鑄作錢布皆用銅散以連錫註連錫之別名謂以連與錫雜釧而爲錢也

賀 庶物異名疏賀錫之美者出臨賀故名賀

鉛

青金 淮南子註青金鉛也又南都賦註鉛青金也

黑錫 留青日札古稱鉛爲黑錫

金公 水中金 本草綱目鉛易沿流故謂之鉛神仙家析其字爲金公隱其名爲水中金

錢

邦布 周禮外府掌邦布之出入

阿堵物 晉書王衍口不言錢婦令婢以錢遶牀下不得行夷甫呼婢曰舉此阿堵物

登伽佗 足彈佗 唐書南蠻傳以金銀爲錢形如半月號登伽佗亦曰足彈佗

青蚨 搜神記南方有蟲名青蚨殺其母以血塗錢八十一文又以其子血塗錢八十一文凡市物或先用母錢或先用子錢去則旋歸循環無已又名青鳧按錢取其流通故遂名錢曰青蚨

白水真人 顏氏家訓漢書以貨泉爲白水真人

上清童子 博異志岑文本避暑山亭有叩門曰上清童子元寶命入語訖止墻下不見掘之得一古錢乃悟上清童子是銅名元寶錢之文也

王老 南部新書唐王元寶家富厚人以錢文有元寶字因呼錢爲王老

王清本 酉陽雜俎王清買一枯樹將爲薪經隣人盜斫忽有黑蛇舉首曰我王清本也汝勿斫其人驚走及明王清薪之掘其根得二甕錢因是獲利遂甃錢號王清本

紫紺 表異錄紫紺錢名

孔方 魯褒錢神論親愛如兄字曰孔方又黃庭堅詩

事物異名錄

卷二十五

六

孔方兄有絕交書

家兄 成公綏錢神論愛我家兄皆無能已

使鬼兄 劉克莊詩垂橐何須使鬼兄按魯褒論有錢可使鬼而况人乎

慳錢 鶴林玉露俗語謂錢之薄惡曰慳錢按賈誼疏云姦錢日多俗音訛以姦爲慳耳 惡錢

緡 漢書食貨志緡錢千萬註孟康曰緡錢貫也 錢貫 楮鈔

關子 飛錢 會子 稗史類編唐置關子時號爲飛錢宋改制會子元始造交鈔

交子 二老堂雜志近歲用會子乃四千交子法特官

券耳不知何人目爲楮幣遂入殿試御題

烏寶 輟耕錄永嘉高則誠烏寶傳曰烏寶者其先出於會稽楮氏變姓名從墨氏游盡得其通神之術按謂楮鈔也

寓錢 就日錄唐王與禱神用寓錢按寓錢蓋以紙寓錢也邵康節謂之楮錢 楮錢

印

銀黃 漢書楊僕傳懷銀黃垂三組註師古曰銀銀印也黃金印也

篆 正字通印亦曰篆職官分紀曰節度使視事三月洗印視其刻缺謂之滌篆

鐵券

金板 楓窗小牘鐵券謂之金板